

زينب بالطّف نخت حيدر والدها السبع الضرغام  
بالمحنة طحنه وعدوانك كادونه أسرى للشام  
والسوط الورم امتوني يا بويه لوع لیتام  
والحادي اغريب وكافلنه بالشط ذبحوه الظلام

ماني العزيزه چيف امشي مسبيّه ابولية اجناب  
من ديره الديره ومن حولي أطفال ونسوه يا ياب  
يضر بنا شمر اويشتمنه ويسبك يا داحي الباب  
متحمل هالسفره الكشره ما تحضر يا ليث الغاب

ما يجبر جرحي المتلطي ابهالدينيا بعد الخلان  
غير الموت الياخذ روعي ويريح كلبني الوجعان  
ما أنسى الفجعه الميشومه بوگوفي وسط الديوان  
چا خدري وينه يالوالي ايصير ادخل مجلس عدوان

حنيت الأيام الجانت أتهنى ابعزك وحمالك  
تغمرنى ابعطف اوحنيه وتنعم ابفيض ارباك  
أتذكر كل لحظه بعمرى مرت عليه ويالك  
من صغري التالي سنيني واليوم اقاسى بفرگاك

ما تسمع عتبي ما چني زينب بنتك يا جيدوم  
نختك ياراعى الشيمه ما جتك عنا لعلوم  
من بلده البلده ساگونه وتفرج اعليه الكوم  
يا نخر التانيته دنهض جرد صمصامك وگوم

يا فارس خبير والخذق يا حامل راية احنيْن  
يا صارع بن ود ومرحب يمجّدل أعداء الدين  
وينك يوم الطف لو تنظر بالترّب امعّفر لحسين  
والسيف يصلّى عل نحره ما جيته يا بوالحسنين

ساعة المصرع يا ساعه بيها انهّدّت كل لامال  
من خمدت أنفاس ابن امي جيش العدو اعلينه صال  
سلب ونهب حرّك وذبح خوف ورُعْبُ صعب الحال  
وايتامي فرت بالفلا هامت ابوادي الأجال

تمنّيتك يا بويه يمّي من هجمت خيل الأشرار  
تسكّن روعي وتحمي عيالك من شبّوا بخيمنا النار  
ناديتك والعبره ابصدري اتلّوع دليلي المحتار  
يا ملفى الخايف والمضطرّ ردتك تحضر يا مغوار

مو وصيّت الكافل بيّه عباس الما مثله اكفيل  
بعينه السهم ناشب والدم اتطشّر من هامه سيل  
وزنوده انكطعن يا حسره وعل جسمه داست الخيل  
راح وخابت كل اظنوني بعده ما اهوّد ابليل

يالساكن وي نوح وآدم بارض الغري يارجواي  
كثره جروحي وهمي ساطي يحفر ابكّلي بلواي  
ممرني دهري ودولبني ابضيم وقهر يا سلواي  
زايد عتبي ما تلفيني بح صوتي ابندبي وشكواي